

Siguri

Mosmarrëveshja para shtëpisë çoi në shkrepjen e armës – si ndodhi tentim-vrasja në Orroberdë të Istogut, i dyshuari në arrati



Sinjali.com

08 Gusht 2026 10:40



Një mosmarrëveshje verbale mes dy personave ka eskaluar në të shtëna me armë zjarri mbrëmjen e së premtes në fshatin Orroberdë të Istogut, ku një 33-vjeçar mbeti i plagosur, ndërsa personi i dyshuar për sulmin u arratis nga vendi i ngjarjes.

Sinjali mëson se viktima është Dardan Haxhijaj rreth 34-vjeçar, ndërsa i dyshuari për vrasje në tentativë është Vezir Haziraj, rreth 29-vjeçar.

Ngjarja ka ndodhur rreth orës 20:35, ndërsa Policia fillimisht është njoftuar se një person i plagosur me armë zjarri po merrte ndihmë nga stafi mjekësor i Hotel Onix në Banjë.

Por, sipas informacioneve që ka siguruar Sinjali, të shtënat kishin ndodhur më herët pranë shtëpisë së të dyshuarit në fshatin Orroberdë.

Bazuar në deklaratimet e dëshmitarëve, mes Haxhijajt dhe Hazirajt kishte nisur një mosmarrëveshje verbale, e cila më pas kishte eskaluar. Në ato momente, Haziraj dyshohet se ka përdorur armën e zjarrit, duke qëlluar dhe plagosur Haxhijajn në pjesën e sipërme të këmbës së majtë.

Pas të shtënave, i dyshuari është larguar nga vendi i ngjarjes në drejtim të panjohur, ndërsa dëshmitarët e kanë marrë të plagosurin me veturë dhe e kanë dërguar deri te Hotel Onix në Banjë, ku i është ofruar ndihma e parë.

Nga aty, Haxhijaj është transportuar me autoambulancë në Spitalin Rajonal të Pejës. Për shkak të lëndimeve, më pas është transferuar nën përcjellje policore në QKUK në Prishtinë për trajtim të mëtejshëm.

Në vendin e ngjarjes kanë dalë njësitë relevante të Stacionit Policor në Istog dhe Njësia e Hetimeve Rajonale në Pejë, të cilat kanë nisur hetimet për zbardhjen e plotë të rrethanave.

Me urdhër të Prokurorit të Shtetit, rasti është iniciuar si “Vrasje në tentativë”, ndërsa Vezir Haziraj po kërkohet nga Policia.

Shënim: Personat e apostrofuar në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitnes
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera